

ARLeF a Friûl Doc 2017

L'INCUNTRI - La cuisine des minorancis

Isal un leam tra lenghe, cuisine e teritori? La resistance e la inovazion sono fenomens che a àn caracterizade sedi la lenghe che la cuisine? La promovion des tipicitâts aie une marcje in plui se fate intes lenghis dal lûc?

Di chest e di tant altri si fevelarà **intal incuintri su "La cuisine des minorancis"** che la ARLeF e organizarà in ocasion de edizion 2017 di Friuli Doc, in colaborazion cun ERSA. Obietîf principâl dal event al sarà la presentazion des tipicitâts gastronomichis des trê comunitâts linguistichis dal teritori furlan: des Vals dal Nadison a Sauris, passant par Tamau e pe Cjargne. Teritoris caracterizâts di lenghis propriis e di une tradizion culinaria fuarte.

Vinars ai 8 di Setembar aes 12.45, li dal bancut de ERSA in vie Marcjât Vieri, i visitadôrs a varan la pussibilitât di **cognossi, e cerçâ, lis tipicitâts furlanis presentadis e tornadis a interpretâ in maniere savinte di Daniele Cortiula**, espert di cuisine cjargnele ma no dome, e di **Maria Gilda Primosig**, grande cognossidore de gastronomie des Vals dal Nadison.

Une ocasion preziose par scoltâ la vôs di chei che ogni dì a lavorin cui prodots dal teritori, ju tornin a inventâ, ju recuperin salvantju de omologazion culinaria e regalantnus une esperience cuntun gust unic.

Par partecipâ al incuintri "La Cuisine des Minorancis" si à di prenotâsi al bancut ERSA, dome te zornade stesse.

I COGOS

Dâ vôs e visibilitât ai prodots dal teritori e je par **Daniele Cortiula** une grande passion e forsît l'aspiet plui inmagant dal so lavôr. Cheste curiositât e ricercje continue di gnovis elaboracions, intal rispjet dut câs de tradizion, le à ereditade di Gianni Cosetti, ricognossût in maniere universâl tant che il vêr autôr de rivoluzion de cuisine cjargnele, che al so flanc Daniele al à lavorât par dîs agns. Famôs ancje pe partecipazion a La prova del cuoco, vuê al gjestis la Cortiula Hostarja - ex Casada a Çampis di Pagnà, dulà che si puedin cerçâ plats otims de cuisine cjargnele rivisitate.

Cuant che e jere une frute, **Maria Gilda Primosig** e veve un sium: diventâ disegnadore di mode. Vuê Maria e esprim la sô creativitât "disegnant" i plats pai clients de trattorie "Alla Posta" di Clodig, une frazion di Grimald, a 15 km di Cividât. La culture des Vals dal Nadison e je chê de fesse confinarie, un lûc dulà che a confluissin tancj inflûs de tradizion slovene e austroongjarese. Ogni paîs al à lis sôs ricetis, diviersis daûr de zone, e Maria si inspire di li par creâ gnûfs imbinaments. Intes sôs creacions fantasiosis la nature e je une font di ispirazion continue.

Udin, ai 30 di Avost dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<